

LANGEBERG MUNISIPALITEIT

VERORDENING: INFORMELE HANDEL

Om informele handel te reguleer deur meganismes, prosedures, reëls en verwante kwessies daar te stel.

AANHEF

WAAR Artikel 156(2) en (5) van die Grondwet voorsien dat 'n munisipaliteit verordeninge mag maak en toepas, vir die effektiewe administrasie van aangeleenthede wat dit mag administreer, en om enige mag toe te pas aangaande 'n aangeleentheid wat redelik nodig is, of dit mag toeval, vir die effektiewe uitvoering van sy funksies; en

WAAR Deel B van Skedule 4 van die Grondwet handelsregulasies as 'n plaaslike regerings kwessie lys; en

WAAR die munisipaliteit die sleutelrol wat informele handel in armoede-verligting, inkomste-generering en entrepreneur-ontwikkeling speel en, spesifiek, die positiewe impak wat informele handel op histories benadeelde individue en gemeenskappe het; en

WAAR die munisipaliteit die behoefte erken om 'n ontwikkelings-benadering vir die informele handelsektor aan te neem, ten einde 'n omgewing te skep wat die groei van besighede in die informele handelsektor aanmoedig;

NOU, DUS

WORD DIT VERORDEN deur Langeberg Munisipaliteit, soos volg:

INHOUDSOPGAWE

1. Definisies
2. Permitte
3. Aansoek vir 'n permit
4. Oorweging van 'n aansoek vir 'n permit
5. Oordrag van 'n permit
6. Hernuwing van 'n permit
7. Afbakening van areas vir informele handel
8. Pligte van informele handelaars
9. Verbode gedrag
10. Koerantverkopers
11. Boetes
12. Aanspreeklikheid van informele handelaars vir die optrede van werknemers

13. Appèl (A 3464)

14. Skakeling-forums

15. Herroeping van Verordeninge

16. Kort titel en aanvangs

1. DEFINISIES

In hierdie Verordening, tensy die konteks anders dui:

“goedkeuring” beteken goedkeuring deur die Munisipaliteit en “goedkeur” het ‘n ooreenstemmende betekenis;

“tuin” beteken ‘n tuin waartoe die publiek ‘n reg tot toegang het;

“goedere” beteken enige beweegbare eiendom en sluit lewende hawe in;

“informele handelaar” beteken enige persoon wat ‘n besigheid bedryf, of as bedryfshoof, of werknemer of agent, deur die verkope, verskaffing of aanbieding van goedere of die verskaffing of aanbieding om enige diens vir beloning te verskaf, in of vanaf ‘n publieke plek binne die Munisipaliteit, maar sluit ‘n koerantverkoper uit;

“Informele handel” beteken die bedryf van die besigheid as ‘n handelaar ingevolge hierdie verordening;

“kruising” beteken ‘n kruising soos omskryf in die Regulasies gepromulgeer in terme van die Nasionale Padverkeerswet, 1996 (Wet Nr. 93 van 1996);

“rommel” beteken enige afval, voorwerp of item weggegooi of agtergelaat deur ‘n informele handelaar of klante;

“motorvoertuig” beteken ‘n motorvoertuig soos gedefiniëer in Artikel 1 van die Nasionale Padverkeerswet, 1996 (Wet Nr. 93 van 1996);

“Munisipaliteit” beteken:

(a) die Langeberg Munisipaliteit, en sluit enige politieke struktuur, politieke ampsdraer, agent of enige werknemer daarvan in, wat ingevolge hierdie Verordening optree ingevolge ‘n mag, in die Munisipaliteit gesetel en aan sodanige politieke struktuur, politieke ampsdraer, agent of werknemer gedelegeer of sub-delegeer; of

(b) ‘n Diensverskaffer wat enige funksie of verantwoordelikheid onder hierdie Verordening vervul, opgedra ingevolge Artikel 81(2) van die Plaaslike Regering: Munisipale Stelselswet, 2000, (Wet Nr. 32 van 2000) of enige ander wetgewing;

“munisipale bestuurder” beteken ‘n persoon deur die Munisipaliteit aangestel ingevolge Artikel 54 A van die Plaaslike Regering: Munisipale Stelselswet, 2000 (Wet Nr. 32 van 2000) en sluit in enige persoon:-

(a) wat in sodanige posisie optree; en/of

(b) aan wie enige mag, funksie of verantwoordelikheid in hierdie Verordening voorsien, gedelegeer is;

“oorlas” beteken enige daad, versuim of toestand wat aanstootlik of gevaarlik is, of wat met die gemak, gerief en vrede van ander persone inmeng of wat die veiligheid van die publiek affekteer of mag affekteer;

“amptenaar” beteken ‘n werknemer wie deur die Munisipaliteit gemagtig is om enige of al die funksies en magte wat in hierdie Verordening vervat is, uit te voer en uit te oefen;

“park” beteken ‘n park tot wie die publiek ‘n reg tot toegang het;

“voedsel” beteken kositems bedoel vir menslike verbruik, soos gedefinieër in Artikel 1 van die Kositems, Skoonheidsmiddels en Ontsmettingsmiddelswet, 1972 (Wet Nr 54 van 1972), uitsluitend kos verwys na in Regulasie 14, en rou of ongepasteuriseerde melk;

“bederfbare kos” beteken enige kositems soos gelys in die Regeringskennisgewing Nr. R 1183 van 1 Junie 1990, soos gewysig, uitsluitend ongeprosesseerde vrugte en groente;

“permit” beteken ‘n permit soos bedoel in Artikel 2;

“perseel” sluit in enige grond, gebou, struktuur, gedeelte van ‘n gebou of struktuur, of enige voertuig, vaartuig of vliegtuig;

“voorgeskrif” beteken voorgeskryf deur die Munisipaliteit;

“eiendom”, betreffende ‘n informele handelaar, beteken goedere waarmee ‘n informele handelaar handel dryf en sluit in enige artikel, houer, voertuig of struktuur wat ‘n informele handelaar voorneem om tydens informele handel te gebruik;

“Publieke fasiliteite” beteken:

(a) enige grond, plein, kampeerterein, karavaanpark, swembad, publieke oop-ruimte, publieke oord, ontspannings area, rivier, dam, natuur reservaat, diere- botaniese of enige ander tuin, of staproete, insluitend enige gedeelte daarvan en enige fasiliteit of apparaat daarin of daarop, wat die eiendom van die Munisipaliteit is of in besit, beheer of deur die Munisipaliteit verhuur word en waartoe die algemene publiek toegang het, ongeag met betaling van toegangsfooie of nie, maar uitgesluit ‘n publieke pad of straat.

(b) ‘n gebou, struktuur, saal of kantoor, insluitend enige gedeelte daarvan of apparaat daarin wat die eiendom van, of , wat die eiendom van die Munisipaliteit is of in besit, beheer of deur die Munisipaliteit verhuur word en waartoe die algemene publiek toegang het, ongeag met betaling van toegangsfooie of nie; en

(c) ‘n publieke fasiliteit bedoel in paragrawe (a) en (b), indien dit wettig beheer of bestuur word ingevolge ‘n ooreenkoms tussen ‘n persoon en die Munisipaliteit;

“publieke pad” beteken enige pad, straat of deurgang of enige ander plek wat deur die publiek gebruik word insluitende:

(a) die rand van enige pad, straat of deurgang;

(b) enige brug, veerboot of drif wat sodanige pad, straat of deurgang kruis; en

(c) enige ander werke of voorwerp wat deel vorm van sodanige pad, straat of deurgang of daaraan heg of daaraan behoort;

“ryvlak” beteken ‘n ryvlak soos gedefinieër in Artikel 1 van die Nasionale Padverkeerswet, 1996 (Wet Nr 93 van 1996);

“verkoop” sluit in ruilhandel, ruil, uithuur, ten toonstel, blootstel, aanbied of voorberei vir verkoping, stoor met die oog om te verkoop, of voorsien ‘n diens vir beloning, en “koop” of “verkoop” het ‘n ooreenstemmende betekenis;

“sypaadjie” beteken ‘n sypaadjie soos gedefinieër in Artikel 1 van die Nasionale Padverkeerswet, 1996 (Wet Nr 93 van 1996)

“straat meubels” beteken enige meubels of struktuur geïnstalleer deur die munisipaliteit op straat vir publieke gebruik;

“randsoom” beteken ‘n randsoom soos gedefinieer in Artikel 1 van die Nasionale Padverkeerswet, 1996 (Wet Nr 93 van 1996).

2. PERMITTE

(1) Geen persoon mag sonder die nodige permit in of op ‘n openbare fasiliteit, soos uiteengesit in hierdie Verordening, in handel betrokke wees nie.

(2) Geen persoon mag in handel betrokke wees, soos hierin uiteengesit, tensy dit op ‘n perseel plaasvind soos in die permit beskryf.

(3) ‘n Enkele daad van verkope of aanbieding of lewering van dienste, in of op ‘n openbare fasiliteit, word as handel beskou.

(4) ‘n Verwysing na ‘n persoon wat die besigheid van informele handelaar dryf, sluit ‘n werknemer van die persoon in.

(5) ‘n Permit wat ‘n persoon toelaat om in informele handel betrokke te wees, spreek nie sodanige persoon vry om aan enige ander toepaslike wetgewing te voldoen nie.

3. AANSOEK VIR “N PERMIT

(1) ‘n Persoon moet by die Munisipaliteit aansoek doen vir ‘n permit om informele handel in of op ‘n openbare fasiliteit te bedryf.

(2) Die Munisipaliteit is geregtig om ‘n fooi te hef vir:

(a) ‘n Aansoek om ‘n permit;

(b) ‘n Permit vir tydperke wat deur die munisipaliteit gespesifiseer word; en

(c) ‘n Addisionele fooi of tarief vir koste aangegaan of dienste gelewer deur die Munisipaliteit.

(3) Om vir ‘n permit te kwalifiseer, moet ‘n aansoeker:

(a) nie in die formele sektor in besigheid bedrywig wees nie, maar ‘n bona vide informele handelaar wees;

(b) nie meer as een permit in die Munisipaliteit hou nie;

(c) ‘n Suid-Afrikaanse burger wees of, indien die aansoeker nie ‘n regs persoon is, instaat wees om geldig in Suid-Afrika te werk;

(d) nie meer as 5 persone indiens hê nie of hul dienste gebruik nie.

(4) ‘n Permit moet die naam en identiteitsnommer van die informele handelaar spesifiseer, die goedere of dienste wat die informele handelaar mag verkoop, die aangewese perseel waar die houer mag verkoop en die aantal persone in diens of deur die informele handelaar benut.

(5) ‘n Informele handelaar moet die name van persone in diens of aangewend, aan die Munisipaliteit verskaf.

(6) Die informele handelaar moet die permit by die aangewese perseel beskikbaar hê tydens handel.

(7) Die informele handelaar en die personeellede wat by die informele handelaar werksaam is, moet 'n identiteitsmerker wat deur die Munisipaliteit verskaf word, vertoon tydens verhandeling.

(8) 'n Persoon wat vals inligting verskaf om n' permit te bekom of Sub-artikels (5), (6) of (7) oortree, pleeg 'n misdryf

4. OORWEGING VAN 'N AANSOEK OM 'N PERMIT

(1) By die oorweging van 'n aansoek om 'n permit mag die Munisipaliteit die volgende faktore in ag neem:

(a) Die behoefte om voorkeur te gee aan aansoekers wat histories benadeel is

(b) Die tipe handelsgoedere wat die aplikant beoog om te verkoop of die dienste wat die aplikant beoog om te lewer, met inagneming van die bestaande besighede in daardie handelsgebied of onmiddellike omgewing;

(c) Die behoefte om voorkeur aan werklose aansoekers te gee;

(d) Die gedrag van die aansoeker in die verlede, wat die oortreding van informele handelsreëls en/of ander toepaslike wetgewing insluit;

(e) Of die aansoeker 'n permanente inwoner van die Munisipaliteit is;

(f) Enige ander kriteria wat die Munisipaliteit relevant mag ag.

(2) Die Munisipaliteit het die reg, met geen vergoeding betaalbaar deur die Munisipaliteit aan die informele handelaar, om -

(a) 'n informele handelaar te verplaas met nie minder nie as 7 dae skriftelike kennisgewing;

(b) die geldigheid van 'n permit vir 'n beperkte tyd op te skort, met nie minder nie as 7 dae kennisgewing;

(c) 'n informele handelaar sonder kennisgewing te verhoed om op die perseel handel te dryf, sou dit nodig wees om so te doen as gevolg van aktiwiteite wat die voortgesette handel vanaf sodanige perseel onveilig, onprakties of ongeleë maak

(3) Die aktiwiteite in subartikel (2)(c) na verwys, mag onderhoud, konstruksie van infrastruktuur of geboue deur die Munisipaliteit, eiendomsontwikkeling, verbeteringe of opknapping deur enige entiteit sowel as vir veiligheidsredes of enige ander rede wat die Munisipaliteit toepaslik ag, insluit.

5. OORDRAG VAN 'N PERMIT

(1) In die geval van die dood van 'n permithouer, mag 'n permit met die skriftelike goedkeuring van die Munisipaliteit, op aansoek van afhanklike, na sodanige afhanklike of 'n persoon wat namens die afhanklike optree, oorgedra word, wie sal voortgaan om handel te dryf totdat die permit verval.

(2) Met die skriftelike goedkeuring van die Munisipaliteit, kan 'n permit tydelik oorgeplaas word na 'n afhanklike waar 'n informele handelaar nie in staat is om handel te dryf nie as gevolg van siekte.

(3) 'n Informele handelaar mag nie, op enige wyse, 'n permit aan enige ander persoon verkoop of oordra nie.

(4) 'n Informele handelaar moet die permit aan die Munisipaliteit terugstuur, indien die handelaar nie meer wil handeldryf nie, of as toestemming vir oordrag geweier is.

6. HERNUWING VAN PERMIT

- (1) Enige permit uitgereik vir 'n periode van een maand of langer, mag deur die permithouer hernu word.
- (2) Die aansoek om hernuwing moet die Munisipaliteit voor of op die datum van hernuwing, soos op die permit gespesifiseer, bereik.
- (3) Die Munisipaliteit mag weier om 'n permit te hernu, indien die permithouer waarsku is vir nie-nakoming van hierdie Verordening, of skuldig bevind is vir oortreding van hierdie Verordening.
- (4) Indien 'n aansoek vir hernuwing deur die Munisipaliteit ontvang is, na die gespesifiseerde datum op die permit, sal dit geag word 'n nuwe aansoek te wees, wat met ander aansoeke vir daardie perseel sal kompeteer.

7. AFBAKENING VAN AREAS VIR INFORMELE HANDEL

- (1) Die Munisipaliteit mag enige plek in sy regsgebied verklaar om 'n gebied te wees waarin informele handel toegelaat word.
- (2) Die Munisipaliteit moet per openbare kennisgewing gebiede vir informele handel afbaken en die kennisgewing moet die grense van die gebied of perseel wat vir informele handel beskikbaar gestel is, vervat.
- (3) Die Munisipaliteit mag die beoogde gebiede in Sub-artikel (1) verander indien die behoeftes en omstandighede van inwoners, informele handelaars of die Munisipaliteit so 'n heroorweging vereis.
- (4) 'n Persoon aan wie 'n permit toegeken is om informeel te handel, mag slegs handel in ooreenstemming met die voorwaardes soos uiteengesit op die permit.
- (5) 'n Persoon wat die besigheid van 'n informele handelaar bedryf, in stryd met die permit wat deur die Munisipaliteit toegestaan is of 'n kennisgewing in Sub-artikel (2), pleeg 'n misdryf.

(6) 'n Persoon wat die besigheid bedryf van 'n informele handelaar mag slegs handel dryf op die afgebakende gebiede soos gelys in AANHANGSEL A van heirdie verordening.

8. PLIGTE VAN INFORMELE HANDELAARS

- (1) 'n informele handelaar moet -
 - (a) wanneer hy of sy besigheid vir die dag staak, sy of haar eiendom na 'n plek wat nie 'n publieke pad of publieke fasiliteit is nie; verwyder, tensy dit gestoor word in enige struktuur, deur die Munisipaliteit goedgekeur en toegelaat;
 - (b) sy of haar eiendom verwyder wanneer deur 'n amptenaar van die Munisipaliteit of deur 'n persoon wie gemagtig is om munisipale dienste te verrig, versoek, sodat die beampte of ander persoon toegelaat word om enige werk, verwant aan 'n publieke pad, publieke fasiliteit of dienste, uit te voer;
 - (c) moet die area of stalletjie deur hom of haar beset in 'n skoon en gesonde toestand hou;
 - (d) verseker dat die area te alle tye rommelvry is en moet, wanneer hy of sy aan die einde van 'n dag besigheid afsluit, rommel wat sy of haar besigheid gegenereer het, in houters, deur die Munisipaliteit verskaf vir die publiek, gooi;
 - (e) op versoek van 'n amptenaar van die Munisipaliteit, sy of haar eiendom verskuif, sodat die area waar hy of sy handeldryf, skoongemaak kan word;

- (f) ten opsigte van die grootte en ligging van die area of stallejje deur hom of haar beset, -
 - (i) verseker dat die area wat hy of sy gebruik, met die perseel op die permit aangedui, ooreenstem;
 - (ii) verseker dat 'n spasie van nie minder nie as 1,5 meter oop gelaat word tussen die muur van enige aanliggende besigheid en die area waar hy of sy besigheid bedryf.
- (2) n Persoon wie 'n bepaling van Sub-artikel (1) oortree, pleeg 'n misdryf.

9. VERBODE GEDRAG

(1) 'n Informele handelaar -

(a) mag nie op die area waar hy of sy handeldryf, of op die area waar 'n ander informele handelaar handel dryf, slaap of oornag nie;

(b) mag nie sy of haar eiendom op so 'n wyse plaas of stapel dat dit -

(i) 'n gevaar vir enige persoon of eiendom inhou nie; of

(ii) moonlik is om enige persoon te beseer of skade aan eiendom te rig nie;

(c) mag nie rommel in 'n mangat, stormwaterdrein of enige ander plek wat nie vir vullisstorting bedoel is nie, stort nie;

(d) mag nie in die loop van sy of haar besigheidsbedryf enige vet, olie of ghries in 'n publieke pad of publieke fasiliteit of stormwaterdrein gooi nie;

(e) mag nie toelaat dat rook, dampe, geraas, reuke of ander gifstof wat uit sy of haar aktiwiteite ontstaan, 'n oorlas of besoedeling van enige aard veroorsaak nie;

(f) mag nie 'n struktuur oprig vir die doel om skuiling te bied nie, behalwe 'n tydelike struktuur om skuiling te bied teen die weer, in welke geval sodanige skuiling aan die einde van die besigheidsdag verwyder moet word;

(g) mag nie sy of haar eiendom op die padoppervlak van 'n publieke pad of binne 'n publieke fasiliteit plaas nie;

(h) wie sy of haar besigheid vanuit 'n voertuig op 'n afgebakende perseel bedryf, mag nie die voertuig of sleepwa op so 'n wyse parkeer dat dit voetganger- of verkeersvloei belemmer nie en moet verseker dat hy of sy aan die bepalings van alle verkeerswette voldoen;

(i) mag nie sy of haar goedere of ander eiendom op of in 'n gebou ten toonstel nie, sonder die toestemming van die eienaar, wettige besetter of persoon in beheer van sodanige gebou of perseel nie;

(j) mag nie enige voorwerp, op enige wyse, aan 'n gebou, struktuur, sypaadjie, boom, parkeermeter, lamppaal, elektriese paal, telefoonhokkie, posbus, verkeersteken, bank of enige ander straat-meubels in of op 'n publieke pad of publieke fasiliteit heg nie;

(k) mag nie sy of haar besigheid op so n wyse bedryf dat dit -

(i) 'n oorlas raak nie;

(ii) die oppervlak van 'n publieke pad of publieke fasiliteit of publieke- of privaateiendom beskadig of misvorm nie;

(iii) verkeersgevaar skep nie;

(l) mag nie 'n oop vuur maak wat 'n gesondheids- of omgewingsgevaar vir enige persoon of eiendom of straat-meubels inhou nie

(m) mag nie, anders as in 'n vullishouer deur die Munisipaliteit goedgekeur en verskaf, enige rommel versamel, stort, stoor of plaas op:

(i) enige grond of perseel;

(ii) enige publieke pad of publieke fasiliteit; of

(iii) enige publieke- of privaat eiendom;

(n) mag nie sy of haar eiendom in 'n mangat, stormwaterdrein, publieke toilet, busskuiling, op die middelman tussen verkeersbane of in 'n boom stoor nie;

(o) mag nie sake doen op 'n plek of area, teenstrydig met enige voorbehoud of beperking deur die Munisipaliteit afgedwing;

(p) mag nie voor 'n formele besigheid handeldryf in produkte wat ooreenstem met enige produk wat deur sodanige formele handelaar aangebied word nie;

(q) mag slegs op die toegewysde perseel handeldryf; en

(r) mag nie 'n oorlas wees deur aan te dring, te soebat of enige persoon te intimideer om produkte te koop nie.

(2) 'n Persoon wat 'n bepaling van Sub-artikel (1) oortree, pleeg 'n misdryf.

10. KOERANT, BLOMME EN VUURMAAKHOUTVERKOPERS

(1) Enige uitgewer van 'n koerant wat verkopers gebruik om sodanige koerant opstraat te verkoop, moet 'n ooreenkoms met die Munisipaliteit sluit oor die areas waar en tye wanneer sodanige verkope mag geskied.

(2) **Enige blomme en vuurmaakhoutverkopers, wie in of op enige pad verkoop word, moet in besit wees van die nodige handelspermit, uitgereik deur die Munisipaliteit.**

(3) Die Munisipaliteit mag die ure waartydens **koerant, blomme en vuurmaakhoutverkope** ten opsigte van Sub-artikel(1 **en 2**) mag geskied, bepaal.

(4) Die Munisipaliteit mag 'n tarief hef vir die verkoop van koerante, **blomme en vuurmaakhout**, in of op enige pad binne sy area van jurisdiksie.

(5) Enige uitgewer of verkoper wat die bepalings van hierdie Artikel oortree, pleeg 'n misdryf.

11. BOETES

(1) 'n Persoon wat hierdie Verordening oortree, of in gebreke bly om enige bepaling daarvan na te kom, is skuldig aan 'n oortreding en is by skuldigbevinding aanspreeklik vir 'n boete, of by versuim van betaling, tronkstraf, of sodanige tronkstraf sonder die keuse van 'n boete, of beide sodanige boete en sodanige tronkstraf, en in die geval van aanhoudende oortreding, vir 'n boete vir elke dag vir die duurte van die oortreding of by versuim van betaling daarvan, tot tronkstraf.

(2) Indien 'n informele handelaar meer as een keer ingevolge hierdie Verordening skuldig bevind is, mag die Munisipaliteit die permit opskort, nadat die informele handelaar 'n geleentheid gebied is om voorleggings te maak waarom die permit nie opgeskort moet word nie.

12. AANSPREEKLIKHEID VAN INFORMELE HANDELAARS VIR DIE OPTREDE VAN WERKNEMERS

(1) Wanneer 'n persoon wat deur 'n informele handelaar aangewend word of in diens is, 'n bepaling van hierdie Verordening oortree, word die informele handelaar geag die oortreding te gepleeg het, tensy hy of sy bewys lewer dat -

(a) Hy of sy nie so 'n daad toegelaat het nie

(b) hy of sy alle redelike stappe gedoen het om die uitvoering van die daad te voorkom; en

(c) Dit nie een van die persoon, wat hierdie Verordening oortree het, se pligte was om die daad te pleeg nie.

13. APPÈL

'n Persoon wie se regte benadeel word deur 'n besluit wat ingevolge hierdie Verordening, onder gedelegeerde mag geneem is, mag ingevolge Artikel 62 van die Plaaslike Regering: Stelselwet, 2000 (Wet nr 32 van 2000) tot die Munisipale Bestuurder teen daardie besluit appèl aanteken, deur skriftelik kennis te gee van die appèl en die redes daarvoor, binne 21 dae vanaf die datum waarop die kennisgewing van die besluit ontvang is.

14. SKAKELING-FORUMS

Die Munisipaliteit mag een of meer skakeling-forums in sy gemeenskap stig om, ingevolge hierdie Verordening, aan informele handelskwessies deel te neem.

15. HERROEPING VAN VERORDENINGE

Die bepalings van enige Verordening, voorheen deur die Munisipaliteit gepromulgeer of deur enige van die ontbinde munisipaliteite wat nou by die Munisipaliteit geïnkorporeer is, word hiermee herroep in soverre dit verwant is aan die kwessies wat in hierdie Verordening voorsien word.

16. KORT TITEL EN AANVANGS

Hierdie Verordening word die *Langeberg Munisipaliteit Verordening vir Informele Handel* genoem en dit neem 'n aanvang op die datum van publikasie in die Provinsiale Gazette.

AANHANGSEL A

IDENTIFISEERDE GEBIEDE IN DIE LANGEBERG MUNISIPALE GEBIED WAAR HANDELDRYF SLEGS TOEGELAAT SAL WORD

Robertson: Erf 873, Hoopstraat, Robertson

McGregor: Gedeelte van erf 330, aangrensend tot erwe 140 en 143, Kantoorstraat, McGregor

Nkqubela: Erf306, hoek van Hani en Burwanastraat, Nkqubela

Montagu: Erf 403, Markstraat, Montagu

Zolani: Erf 276 (ongeregistreede gedeelte van erf 505, Buildingstraat, Zolani

Bonnievale: Erf 594, Hoofweg, Bonnievale

GEBIEDE VOORHEEN IDENTIFISEER MAAR WAT NIE MEER IN GEBRUIK IS NIE EN SAL HEERHALWE VAN AANHANGSEL A VERWYDER WORD

Robertson

- Gebied voor die Robertson Gemeenskapsaal (Civic), Hospitaallaan, Robertson

Ashton

- Gebied voor die Barnardsaal, Uitspanstraat, Ashton

Bonnievale

- Gebied voor die Bonnievale Gemeenskapsaal, New Crossstraat, Bonnievale
- Gebied lanks die Gum Grove Superette, Milnerstraat, Bonnievale

GEBIEDE WAT TANS OORWEEG OM INGESLUIT TE WORD WAAR INFORMELE HANDEL TOEGELAAT SAL WORD – sal finaliseer word na die publieke deelname proses en nadat alle sake deeglik oorweeg is

SLEG GESKIKTE EN GEBIEDE WAT AAN ALLE VEREISTES VOLDOEN SAL BY AANHANGSEL A BYGEVOEG WORD

Robertson

- Hamilton Barry Park – Gedeelte van erf 1, grens aan Piet Retief, Robertson and Swellendamstraat
- Erf 3942 – driehoekige gedeelte grond op die hoek van Paddy and Wesleystraat, Robertson. Direk oorkant Bergsig kliniek

Ashton / Zolani:

- Erwe 1932 and 1714 lanks die Mantlanastraat ingang na Zolani
- Erf 813 agter Multisave. Hoek van Middel en Amirillastraat, Ashton
- Gebied voor erf 412 (Secunet) erf 1465 (ANC Kantoor and Cock&Grill en erf 1806 (Ashton Bande Diens), Hoofweg, Ashton